



IS-DDEDDF 30

PYSGOTA AM GIMWCH, CIMWCH COCH, CRANC, CORGIMWCH A CHRAGEN FOCH

1. Ni chaiff unrhyw un, ond yn unol â pharagraff 5, bysgota, cymryd neu lanio, o unrhyw bysgodfa oddi mewn i'r Rhanbarth, unrhyw un o'r rhywogaethau a restrir isod. Rhaid glanio'r holl bysgod o'r fath ar yr un diwrnod calendr a'u daliwyd ac ni chaniateir cadw'r pysgod hyn yn y môr mewn cawell gadw neu unrhyw declyn o'r fath.

<u>Rhywogaeth</u>	<u>Uchafswm y nifer dyddiol</u>
Cimychiaid (<i>Homarus gammarus</i>)	2 unigolyn
Cimychiaid Coch (<i>Palinurus elephas</i>)	1 unigolyn
Crancod bwydadwy (<i>Cancer pagurus</i>) Crancod Heglog (<i>Maia squinado</i>) Crancod Llygatgoch (<i>Liocarcinus puber</i>)	Cyfanswm cyfunol o 5 unigolyn
Corgimychiaid (Pandalidae and Palaemonidae)	1 cilogram
Cregyn Moch (<i>Buccinum undatum</i>)	5 cilogram

Guidance on Minimum Conservation Reference Size (MCRS) can be found at:

<https://llyw.cymru/sites/default/files/publications/2018-05/pysgod-a-physgod-cregyn-y-meintiau-lleiaf-ar-canllaw-mesur-i-brynwyr-cofrestredig.pdf>

2. Ni chaiff unrhyw un, ond yn unol â pharagraff 5, bysgota trwy ddefnyddio cewyll neu drapiau, yn unrhyw ran o'r Rhanbarth, ac eithrio yn ôl hawliad Llywodraeth Cymru.
3. Amodau'r hawliad:
 - a) Nid ellir trosglwyddo'r hawliad
 - b) Ni chaiff derbynnydd yr hawliad ddefnyddio mwy na 5 cawell neu drapiau
 - c) Rhaid i'r holl offer pysgota gael ei farcio'n glir â'r rhif a roddir gyda'r hawliad
 - d) Rhaid i unrhyw gwch a ddefnyddir yn ôl yr is-ddeddf hon arddangos yn glir y rhif a roddir gyda'r hawliad, nid yw'r cwch i ddangos mwy nag un rhif hawliad, ac ni ddefnyddir y cwch ar gyfer codi unrhyw gewyll neu drapiau sydd heb eu marcio â'r rhif hwnnw
 - e) Ni fydd y drwydded i bysgota yn ddilys pe torrir unrhyw un o'r amodau uchod.
4. Gellir gwneud cais am drwydded i bysgota o dan yr is-ddeddf hon trwy ddefnyddio'r ffurflenni argraffedig sydd ar gael gan Lywodraeth Cymru.
5. Nid yw'r is-ddeddf hon yn berthnasol i unrhyw un sy'n pysgota o unrhyw gwch pysgota sydd wedi'u cofrestru'n unol â'r rheol sydd mewn grym ar y pryd ar gyfer cofrestru cwch pysgota Prydeinig ac sy'n dal trwydded pysgota gyfredol a roddwyd gan Lywodraeth Cymru a Lloegr.

IS-DDEDDF 31

GWARCHOD CIMYCHIAID V-FYLCHOG

1. Mae'r is-ddeddf hon yn berthnasol i'r rhan o'r Rhanbarth oddi mewn i linell a dynnwyd ar ochr atfor y llinellau sylfaen 6 môr-filltir o'r llinellau sylfaen y mesurir lled y môr tiriogaethol sydd yn gyfagos i'r Deyrnas Unedig.
2. At ddibenion y paragraff hwn y mae y "llinellau sylfaen" yn gyfystyr a'r llinellau sylfaen mewn bodolaeth ar 25 Ionawr, 1983, yn unol â Gorchymyn Dyfroedd Tiriogaethol Cyngor 1964 (1965 III t.6452A) ac a ddiwygiwyd gan Orchymyn Dyfroedd Tiriogaethol (Gwelliant) Cyngor 1979 (1979 II t.2866).

3. Ni chaiff unrhyw un bysgota am neu gymryd unrhyw gimwch o'r rhywogaeth *Homarus gammarus* sydd wedi ei V-fylchu gyda bwlch o ffurf llythyren "V" yn un neu fwy o bum fflap gwyntyll y cynffon, neu wedi ei nodi mewn unrhyw ffordd arall neu wedi ei anafu mewn ffordd a olygir fod unrhyw un o bum fflap y cynffon ar goll neu wedi ei anafu mewn ffordd a allai guddio neu ddifetha'r V-fwlch neu unrhyw farc arall.
4. Dylir dychwelyd unrhyw gimwch sydd wedi ei nodi yn y ffordd yma i'r môr ar unwaith.

Nodyn Cynghori:

Cimychiaid Coch a Chimychiaid Wyog (Diffiniad: "Cimwch neu gimwch coch sy'n cario wyau sydd ynghlwm wrth ei gynffon neu ddarn allanol arall, neu a oedd yn cario wyau pan gafodd ei ddal")

Am resymau cadwraeth cynghorir y dylai Cimychiaid Coch a Chimychiaid Wyog gael eu dychwelyd i'r môr ar unwaith bob amser.